



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Praxis Episcopalis

In Qva Episcoporum Non Tantvm, Eorumqve Vicariorum munus; sed  
Parochorum etiam & conscientiarum directorium concernentium casuum  
ac dubiorum indies occurrentium Resolvtiones ... quàm brevissimè  
continentur

**Zerola, Tommaso**

**Coloniae Agrippinae, 1680**

Monachi.

**urn:nbn:de:hbz:466:1-10447**

*in authent. ingressi, nu. 13. & inf. de sac. san. Eccl.*

Quartò, unde dicantur mendicantes, vide *Gem. in c. quorundam, § volentes, in initio, de elect. lib. 6.* ubi etiam ex ipso, & *Gl. habes, qui dicantur mendicantes.*

## MONACHI.

**P**rimò, Monachi, seu regulares ejeti à suis monasteriis, vel ad triemes condemnati, vel habitu privati, sub quo Episcopo subsunt? Respondetur, quòd sub Episcopo originis, *Nav. in c. non dicatis, nu. 34. 12. qu. 1.*

Secundò, Monachus dimittens habitum, quam pœnam incurrit? Respondetur, quòd pœnam excommunicationis, *c. si. de apost.* sed ab eo potest absolvi à suo Prælato, *Cald. cons. 6. Clar. q. 97. ver. Monachus, & in pœnam, de qua in ver. professio.* similiter si occultat habitum sine causa, *gl. in Clem. de vita, & hon. cler.* similiter si aliena bona monasterii sine licentia Superioris.

Tertiò, Monachus ejectus, cui acquirit, supposito, quod propter hoc desinat esse Monachus, nec fiat capax cuiuslibet juris pecuniarii? Respondetur, quòd si est ejectus injustè, acquirit monasterio, à quo ejectus est; si justè, Papat, vel Ecclesiæ, cui fuerit legitime ascriptus, seu translatus, *Nav. in c. non dicatis, nu. 34.*

Quartò, an Ordinarii possint aliqua constituere de regularibus? Respondetur prout *sup. in ver. excommunicatio, de accus. mater.*

Quintò, si Monachus, seu Regularis steterit per annum integrum in probatione, & per aliquot menses ultra, nondum emittens expressam professionem, licet tacitam per delationem habitus non distincti, prout ajunt jura vulgata, possit renunciare bonis, sive facere contractus, & videtur quòd non, quia omnia jura, & glossæ videntur dicere, quòd per professionem tacitam quis non est amplius sui juris, tamen contrarium est verius, quia per solam professionem expressam, sive solemnem, fit mortuus mundo: vide *Extravag. antiq. concertat. Joan. 22. Reb. tit. de dispens. cum reg. sa. nu. 24.* præterea quia Concilium loquitur simpliciter de professione, quæ debet intelligi de potiori significato, *Argum. cap. fin. de sentent. excommunic. & Rebuff. tit. de mod. amit. benef. num. 44. per capit. beneficium, de regul. libro sexto,* ubi dicit, quòd ante professionem non potest conferri beneficium Monachis, quæ debent intelligi de expressa, tacit *Bull. Pii V. quæ est 75.* ubi statuit regularem non posse promoveri ad sacros Ordines, nisi fuerint professi, quæ debet intelligi de expressa, *Argum. Sac. Conc. Trident. sess. 21. cap. 2. de reform.* ubi prohibet saculares promoveri ad sacros Ordines, nisi habuerint beneficium, pensionem, vel patrimonium, *Covar. de spons. 2. p. c. 7. §. 4. nu. 6.* & fortificatur ratione, sicut ad dirimendum matrimonium ratum, & consummatum, non sufficit votum simplex, sed requiritur votum solemne, *cap. 1. de vot. in sexto,* ita non sufficit professio

N 2

tacita,

tacita, sed requiritur expressa in dissolutione matrimonii rati, & non consummati, *Cov. loc. cit. nu. 7. & 8.* & habui in facto Surrenti, ubi vir, & uxor, de communi consensu, illa monialis ordinis sancti Dominici in monasterio sanctæ Mariæ Gratiarum Surrenti facta est, Vir autem monachus sancti Dominici in Ecclesia sanctæ Mariæ Sanitatis Neapoli, & steterunt in monasterio ultra annum probationis, & tamen postea exierunt ambo à monasteriis prædictis, & remansere in saeculo: ergo non sufficit professio tacita, & sic videtur, quod non obstante professione tacita, possit testari, donare, & facere contractus activè, & passivè, ante professionem expressam solemnem, quia professio tacita est quædam fictio, vide Navar. *in c. non dicatis, l. 2. q. 1. à nu. 42.* & professus tacitè non est verè professus, sed præsumitur, Nav. *in cap. statumus, l. 9. quest. 3. nu. 74.* & vide *inferius, in ver. professio*, ubi plus videbis, & facit pro practica quotidiana, & mihi accidit bis in facto.

Sextò, transitus de una religione ad alteram parem, aut arctiorem, non fiat, nisi causa cognita transeuntis, & vitæ, ac morum ratione, idque ex approbatione Capituli generalis, ita sac. Cong. prout *inferius*, & Navar. *in c. statumus, notab. l. nu. 3. & notab. 3. à nu. 10. & inf. vide superius, in ver. Apostata.*

Septimò, in posterum nemo regularium ejiciatur à monasterio, etiam si sit incorrigibilis, sed peccantes à superioribus ignominia, & carcere castigantur, & acrius, si etiam opus fuerit,

pro modo delictorum puniantur. singula monasteria habeant librum profitentium tacitè, vel expressè, qui manserunt in religione, per quinquennium omninò non audiantur. --- De iis, qui exire volunt à religione, committatur Ordinario loci, simul cum Superiore monasterii, ubi emiserunt professionem, ita in terminis, sacra Congreg. *declarat. 376. de reform. regul.* & hoc rationabile est, nam multi proprio spiritu ducti transibant de una in alteram religionem, ad placitum, contra illud *ioan. 1. cap. 4. initio, Nolite omni spiritui credere.* præterea oriebantur multæ apostasiæ, indecentiæ, detractiones, & mendicitates, *Bull. Pii V. quæ est 75. & Conc. Trid. sess. 21. c. 1. de refor. Navar. in Apolog. de reddit. quest. 1. monito 32.*

Octavò, Mendicantes ad monasticos Ordines (Carchusianorum duntaxat excepto) absque Sedis Apostolicæ licentia transire non possunt, ita Mart. V. *Bull. 2. quæ incipit, Via ambitiose cupiditatis.*

Nonò, Monachi, seu Fratres divi Francisci de Observantia, seu Conventuales degentes extra claustra, quas penas incurrunt. *Paul. III. Bull. 10. Clem. VII. Bull. 43. Jul. III. Bull. 60. Paul. IV. Bull. 29. Pius IV. Bull. 8. & 69. Greg. XIII. Bull. 44. & 74.*

Decimò, Fratribus Capucinis mandat *Jul. III. Bull. 10. quæ incipit, Officij nostri*, ne Fratres de Observantia recipiant contra formam Constitutionis *Paul. III.*

Decimoprimò, Regulares pro crimine

mine hæresis possunt cognosci ab Inquisitoribus tam generalibus, quam particularibus, dummodo illorum superiores non prævenerint. Pius IV. 66. *que incipit, Pastoris.*

Decimosecundò, an Monachorum appellatione veniant Canonici regulares in odiosis? Respondetur, quòd non, Navar. in c. nullum, 18. qu. 1. com. 3. mon. 12. num. 40. & in cap. statuimus, num. 1. & 2. 19. quest. 3. nec possunt transire Canonici regulares ad Monachos, cap. Mandamus, 20. q. 3. Vide Gem. in c. ex eo, §. in Ecclesiis, ver. oppono, de elect. l. 6.

Decimotertiò, an Monachi possint vesci carnibus? Respondetur, quòd non, cap. carnem, de consec. d. 5. nisi in mensa Episcopi, gloss. ibi in ver. servato, & non solum in mensa Episcopi, sed Principis, gloss. ibi, & Jo. de Selua tract. de benef. 4. par. quest. 7. nu. 24. Principes intellige Cardinales, vel non recognoscens superiores, ex communi usu loquendi.

Decimoquintò, an superior possit capere regularem, ubicumque fugientem? Respondetur, quòd sic, Navar. loc. cit. num. 50. not. ab. 16. sicut vir uxorem, dominus servum, & ancillam, etiam antequam moneat, & citet eum sub pœnis, & censuris, idem loc. cit.

Decimoquintò, Regulares non possunt ex privilegiis, & præsertim ex illo, quod Mare magnum appellatur, eis concessis absolvere quenquam à casibus, quos sibi reservavit Episcopus, ita Sac. Congr. in terminis declarat. 518. Metus verò ex privilegiis, in quibus de

iis fit expressa mentio, vel concessis, vel confirmatis potest, sac. Conc. Trid. prout dictum est in ver. absolutio, §. 1. & in pract. mea pœnit. cap. 24. q. 9.

Decimosexto, Monachi si habeant aliquam Ecclesiam, in qua habeant jus patronatus, an possint illam sibi appropriare, vel in ea novum censum imponere, vel antiquum augere? Respondetur, quòd non, Clem. un. §. eandem, de suppl. neg. prelat. H. st. in sum. tit. de sup. negl. prelat. §. quot modis, num. 3. juxta finem.

Decimoseptimò, Religionis ingressus non liberat ab irregularitate omni, sed solum ab ea, quæ provenit ex illegitimitate, immò nec propter hanc ad probationes, dignitates, & gradus, Navar. in c. non dicatis, num. 6. 22. quest. 1. vide Bull. Sixti V. de illegitimitis.

## M E T U S.

**M**etus, quando excusat à revelatione excommunicationis, etiam ipse metuens habuerit partem illius, de quo fit excommunicatio, vide Nav. in cons. 2. de test. cogend.

## MISERABLES PERSONÆ.

**M**iserabiles personæ cæteris aliis creditoribus præferuntur pro eorum creditis, usque ad summam ducatorum quinquaginta. Pius V. Bull. 190. & possunt convenire laicos coram Judice ecclesiastico ob negligentiam Judicis sæcularis, c. ex tenore, de for. com.